



Presidente di Parlamento Aruba  
L.G. Smith Blvd. 72  
Aruba

Oranjestad, 15 februari 2023

Apreciado sr. Presidente,

Pa medio di e carta aki suscrito kier a pidi sr. Presidente dirigi e siguiente x8 preguntanan pa Minister di Husticia y Asuntonan Social, sr. Rocco Tjon. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion, suscrito ta keda,

Atentamente,

Miguel J. Mansur  
Lider di Fraccion ACCION 21





**Preguntanan por escrito di miembro di Parlamento, sr. Miguel J. Mansur, na Minister di Husticia y Asuntonan Social, sr. Rocco Tjon, conforme articulo III.17 di Staatsregeling y conforme artikel 59 di Reglement van Orde van de Staten van Aruba.**

---

Minister awe mainta nos fraccion a ricibi un testimonio hopi alarmante y preocupante. E caso ta toca un mucha muhe di Imeldahof cu un mama incapacita. Nos a ricibi informacion cu lo tin of tabata tin un persona di nacionalidad Americano ta scout muchanan na Imeldahof y pusha muchanan vulnerabel den direccion di nan misa.

Nos ta compronde cu e mucha muhe a ser saca di Imeldahof cu tur su pertenencianan pasobra e lo a yega 15 minute laat despues di curphew. Apesar cu amistadnan di e mucha a ofrece pa yud'e haya trabao ela ser convenci pa hendenan di HBN pa bay biba den un apartamento di e misa y traha pa un tienda cu nan lo ta opera como pago pa e apartamento. E tabata traha te haya blaar bao su pia mientras e tabata biba den apartamento di e misa.

Despues e mesun misa HBN lo kier a manda e mucha traha afor di Aruba y nan lo tabata insisti pa e kibra tur bond cu su mama, un señora discapacita. Obviamente Minister por aprecia e gravedad di e testimonio cu nos a ricibi paso e por ta implica human trafficking.

Su amistadnan pafo di misa a bay busk'e y pidi pa papia cune pafo di e misa. E tabata resisti y bisa cu e lo mester a pidi permiso. Na e momento ey e mucha lo tabata tin 18 aña y su amistadnan pafo di misa lo a insisti pa e por sali pafo y papia cu nan.

Cu ayudo di su amistadnan pafo di misa nan a saca tur su pertenencianan for di e apartamento di HBN, y ela haya un trabao den sector priva.

Minister e testimonio cu nos a ricibi ta lanta tur sorto di pregunta di parti nos fraccion. Tambe nos a haya un cantidad di nomber di personanan involvi den e misa cu tin posicion nan importante den sector publico cu lo ta duna nan acceso p.e. muchanan di Imeldahof.

1. Minister ta na altura di e susedido cu miembronan di misa HBN lo ta scout muchanan vulnerabel na Imeldahof?
2. Minister por comparti cu Parlamento ki paso(nan) e lo tuma pa preveni cualkier tipo di relacion directo entre organisacionnan no aproba pa gobierno y muchanan vulnerabel den cuido di nos pais?



3. Minister por splica ki reglamentacion ta existi pa prohibi conflictonan di interes entre empleadonan publico y nan afiliacion personal y instancianan publico manera Imeldahof?
4. Minister, gobierno ta investiga misanan y otro organisacionnan pa posibel envolvimento den human trafficking mirando cu e ta un problema hopi grandi na Aruba?
5. Minister por comparti cu Parlamento e rekisitonan pa establece un misa na Aruba?
6. Minister por comparti cu Parlamento si gobierno ta haci cualkier onderzoek si e organisacionnan aki ta cumpli cu nan metanan declara na KvK?
7. Si e contesta pa pregunta number 6 ta afirmativo, Minister por comparti e rapport cu Parlamento?
8. Minister por comparti cu Parlamento su plan pa proteha muchanan vulnerabel di explotacion pa gruponan religioso no aproba pa gobierno?

**Oranjestad, 15 februari 2023**

**Miguel J. Mansur**  
**Lider di Fraccion ACCION 21**